

新纂雲南通志

盧

漢題



新纂雲南通志

盧

理題

卷



新纂雲南通志卷四十八目錄

地理考二十八

古蹟一

雲南府

雲南府


昆明縣

昆明縣

在城西北漢縣屬益州郡蜀漢屬建寧郡晉太安二年

分建寧置益州郡治於此永嘉末改爲晉寧郡宋元嘉十八年晉

寧太守爰松子叛寧州刺史徐偃討平之齊亦爲晉寧郡治梁氏



新纂雲南通志卷四十八

地理考二十八

古蹟一

古賢之流風遺韻傳及後世推屋及烏地以人傳又名勝之區匠心經營雖或有附會傳說者猶可以發思古之幽情茲考地理於各類建置之後次之以古蹟即此意也

雲南府

昆明縣

建伶廢縣 在城西北漢縣屬益州郡蜀漢屬建寧郡晉太安二年分建寧置益州郡治於此永嘉末改爲晉寧郡宋元嘉十八年晉寧太守爨松子叛寧州刺史徐循討平之齊亦爲晉寧郡治梁氏

乃沒於蠻明通志

道光志案建伶故城志載城池此載廢縣舊地義各有當非複出其文亦詳略互見參觀自明餘倣此案兩漢志宋齊志晉太康地記並有建伶縣晉書地理志有冷邱無建伶華陽國志晉寧郡有建伶縣建寧郡有冷邱縣是一是二疑不能明洪亮吉東晉疆域志以為冷邱即建伶亦無據茲仍從舊志列建伶廢縣於昆明縣下而別疏所見於建置考釋中

穀昌廢城 在城北七里漢置縣後廢雍正志

按樊綽書拓東城之東十餘里有穀昌村漢穀昌王故地此道光志所本而明一統志謂苴蘭城即穀昌城道光志但書穀昌而不書苴蘭者以兩漢地理志故苴蘭皆屬牂牁郡故也今仍從道光志不列苴蘭廢縣而疏其故於此

廢昆州 在城西關內即舊益寧縣隋置尋廢唐武德元年復置後

廢雍正志

益寧廢縣 在城西唐時昆州治也唐志昆州所領有益寧等縣後

廢師範演繫

官渡廢縣 元時置尋廢入昆明縣明通志在城東南二十里雍正志

雲南廢衛 中衛在縣城北隅世恩坊左衛在五華山後右衛在縣

學西前衛在府治西南後衛在府治東南俱明洪武十五年置清康熙九年俱省二十二年復設左右二衛二十六年復省又廣南衛明洪武二十九年建於廣南府永樂元年遷於府治東清一統志牛井在羅漢山巖下明嘉靖初趙道人修煉於此苦無水以牛載汲垂二十餘年一日牛忽死其處即湧一池味甚甘冽雖盛暑不

竭

康熙志

漢學基

在城內

雍正志

漢元封元年南略昆明二年使韓悅開益州授

經教學故雲南有古漢學基焉

南中志

清侯井在布政司內段思廉封高智昇爲鄯闡演習號清侯鑿井

得泉因而名之

景泰志

梁王堆

在城外老崔橋歸化寺諸處昔有人發之得古匣一

雍正志

梁王宮

在城內元末梁王把匝刺瓦爾密建明初改岷王府今廢

雍正志

幹耳朶元梁王離宮

在城東五里

道光志

按察使李鑾宣幹耳朶

殷春門外草如莎落長松掛女蘿蕭鼓影沈沈水咽咽環聲香月明多離宮址傍金稜冢弱女悲銜鐵立歌一代興亡青史在不須荆棘感銅駝

梁王閣

在碧雞山下久廢

道光志

沐氏別業

在城九龍池隅明沐氏有別業在其上號曰柳營

清一統志

嵩明州知州烏程嚴遂成菜海弔沐氏別業

黔寧開國初夙夜懷靡及繼世不永年定遠戰屢捷三傳遠莊襄著有玉岡集漸漸文字起稍稍武功輯宴安煤煥毒臺觀水中立五華山環之風雨興離合紅絨吸奩鑑碧漪熨衣相攀屢狎客並搖扇蠻奴夾踰場頭倒刺歌筵腰反貼沃以金澡鑪綸廁焚艾納

多歲鬼瞰室甚固盜朕篋闌然沙定洲夕至朝以入灰燼落池寒九龍夜深泣珠沈魚網利釵斷牧鋤拾玉啼哽蟲悽紺唾縮落蹕何處是文樓驚鷺瓦沙壓菜園不收魂曬乾金玉蟻海果變爲田盛衰閱雙塔平演數諸將穎川朝露滯藍獄禍連梁幾人保世業

綿衍至天波石鎚揮指骨無廢厥祖勳終始光史牒三百六十區剗除龍漠劫此意問水濱荷花笑不達

泗水知縣昆明孫鵬訪沐氏九龍池別業

伊人日以遙刺蹟日以變盈一水間白石參差爛熳堤穿池心堤斷小橋貫曲引至東歷瀉漣連雲萬九十九箇子爭居池影潏人亦難龍處臺榭浮水面垂柳間垂楊疏密園斜岸蕭條一畝宮久爲僧所憑道址是耶非碧流淨如練落花掩寺門蕭蕭疏雨澗何人種菡萏千朵紅於茜花間瀟瀟飛雙去復轉斷霞霽衣濕微風吹暑散把酒酬伊人涕下欲如霰

海莊 在高嶢山下明楊慎謫演僑居於此

清一統志

楊娥酒市故址 在城西市

道光志

王思訓當壚曲並序

楊娥者楊鵠頭小妹也楊世爲黔府武藝教習娥習藝邁諸兄年十六適張氏張亦黔府武衛沐國公西走兩家以族隨會吳三桂執永明王張道死娥隨兄歸恨三桂入骨永明遇害娥遂日以殺吳爲念而苦其難近娥固美豔計惟色盡行刺愛賈酒城西市飾肆六斷甕牖下云便犬出入時吳藩多執符子弟見少婦靚妝當壚日引羣惡諠娥窺其尤桀驚者提投狗寶沸湯澆之羣驚起來捉娥早躍出立街中羣聚圍娥復躍出立園外奮其技勇當之無不披靡羣復譁擊娥以先金約臂鐵錮層層端逼近橫掉之各破身首負痛去明日聚惡少來報娥卓立不動衆亦憚其能不敢動鄉人就飲娥正色拒之人悟不忍犯吳稍得聞納有吳矣娥忽中寒病而死今過酒肆故址父老每爲余言因作歌以紀之

娥娥紅粉森眉習成技勇何英爽天限孤臣抱恨歸誓仇欲雪生奇想雌季布今酒家傭柳花滿店香春風窈窕文聰壓曲檻穴容隱也三條通倭眷疆環挾錦瑟芙蓉笑醫葡萄浪滌器無人著憤鼻脫瑤露劍華瑤鍾鼙鼓冀入倚虹腰獻圖斫繪藏霜鋒不見彩纓見執符紫羅嘶過垂楊路銀瓶索酒看羅敷數奴惡趣蛾眉怒提投狗寶沸湯澆無能輾轉成涸魮台座驚趨捉細腰街前早作峴嵴度黨聚忽圍周觀者迴生愁從空斗一捩鷹隼摩高秋飛揚出其外獨立神彌遒縱身搏擊復橫掉紛紛敗籜遭颺颺鐵錮

覺尖金約臂再櫻爛額還魚頭詰朝羣惡思報賜屹然大樹空蟬蛸偶爾鄉人至正容難以戲背而拭啼痕咸識巧心伸大義陰謀不就遠離魂玉折蘭摧豈天意娘子軍氣凌雲夫人徽鋒特扞綠眉綠髮繡能傳紅綠紅綃劍可憐南中少婦真其侶國破家亡更
豪舉烈骨長埋留玉顏未舒孤憤云胡死西門驛路通西山劫蘆寒起昆池
烟夕陽衰草連重關斷垣高樹啼春鵲故老指言淚相續楊家小妹當壇曲

水雲鄉 在西湖明黔國公別業一名西園有樓名簇錦山茶樹

四面簇之故名又有魚池前賢題咏最多

清一統志

何景明遊魚池

小岸城邊上輕舸一溪宛轉向魚池
水藻藻濤荷葉蹣掉入中流總不知

池邊三十五亭臺個個朱牕向水開
亭下扁舟蕩雙槳打魚送酒幾回來

半竿斜日疏蒲明兩岸人語鳥不驚
菱葉拂衣香袖舉秋風吹浪綵舟輕

三陣五陣打荷雨一點兩點照水螢
笙歌留客不知夜燈火迴舟直到城

東西二寺塔 在城南里許其高相等唐元和三年大匠尉遲恭造

雲南府志 清道光十三年地震東寺塔圯歷年議修未果光緒九年總督

岑毓英率士民移建於三皇宮前閱四年而工竣

光緒志

道光志案大匠名尉
遲恭韜府志脫韜字

雙白塔 在城之南一在覺照寺一在慧光寺相向而立蒙氏嵯顛

所建蓋自四方來者莫不遠見之亦雲南之望也

景泰志

妙音講寺塔 在大西門外相傳唐尉遲恭韜建

雍正志

梵字塔 在城東地藏寺周遭皆刻梵書

詳金石

上覆以閣

雍正志

清咸豐七

年兵燹燬

光緒志

白塔 在城東三里通衢中元萬慶寺塔也後寺廢塔存

雍正志

清咸豐

七年兵燹折毀光緒二年糧儲道崔尊彝重修

光緒志

穿心塔 在官渡其處有山周一里許皆螺殼積成居民平地掘井

大深三丈餘亦皆螺殼並無雜土

雍正志

大德寺雙塔 在城西祖遍山大德寺內明成化九年建

光緒志

金蟬關碑 在城西羅漢山明楊慎書王褒移金馬碧雞文於上

雍正志

道光志案明以後碑碣金石不載依舊志附列於記

螺峰刻石 螺峰在省城東北隅倚山建圓通寺頗多亭榭名人題

句甚多俱刻巖石夏桂洲有五言律一首鐫刻石上

陳鼎演
齡紀遊

詩詳

金石

仙人弈棋石 在玉案山頂有石若棋枰其中凹處隱然類當時佈

子之所也傳昔有仙人弈棋於山蓋亦以其異而奇之也

景泰志

劉真人符刻石 在縣東北龍泉觀刻於景泰六年龍泉觀長春真

人祠碑陰右有銘左題冲虛至道元妙無爲光範演教普濟長春

劉淵然書正書嘉慶三年戊午歲仲冬月吉旦追泐下方刻莘田

華國才咏唐梅詩一首草書

道光志

青靈內境坊 在城東東嶽廟內明嘉靖間建楊慎書清乾隆間重

修道光三十年邑人張耀倡修

道光志

西寺坊 在城南西寺內明萬曆間建題曰共扶宇宙貝闕琳宮邑

人傅允孫書

道光志

忠愛坊 在城南門外後因兵毀清康熙二十四年總督蔡毓榮巡

撫王繼文重建復傾三十四年總督王繼文巡撫石文晟重建

雲南府志

嘉慶十八年火燬十九年總督伯麟巡撫孫玉庭重修咸豐七年

兵燹毀光緒九年總督岑毓英率官紳重建

光緒志

金馬坊 碧雞坊 俱在城南門外丁亥年毀清康熙二十六年重

建

雲南府志

道光九年布政使王楚堂重修咸豐七年兵燹毀光緒九年

總督岑毓英率官紳重建

光緒志

懷柔六詔坊 在城南門內清康熙二十七年督撫重修

雲南府志

原題曰

懷柔六詔平定百蠻道光八年布政使王楚堂重修改題曰天開

雲瑞地靖坤維同治十三年鹽法道沈壽榕重修

光緒志

宣威萬里坊 在城南門外教場口清康熙三十年總督范承勳重

建

雲南府志

道光十三年地震傾圮現議修復

道光志

萬壽無疆坊 在城內五華山拜雲亭前清康熙三十五年核減屯

額官民公建以申瞻祝焉

雲南府志

野園 一名安阜園在城北

道光志

侍讀昆明王思訓野園歌并序

吳三桂築野園滇城北以處陳圓圓窮極土木毀人廬墓無算以拓其地
縉紳家有名花奇石必穿屋破壁致之雖數百里外不惜也歌以紀之

浮雲渺忽春城隈樂遊隨儼姑蘇臺夷光未去走康鹿紅牆碧樹烏棲哀放聲別苑千山擁鑿一池拋萬姓家畢穿舊室求瓊華妙
還良家唱嘯嘖樓閣茗峴海市連鳳笙龍笛圍紅鸞蛟宮深淺少人到長鯨醉倒解狂瀾排山波湧飛衝碍竊弄衣冠猿戲謔雲暗
瀟湘夜雨昏腸斷三聲淚空落澄懷坐嘯惟青苔彌
天麗霧今塵埃亡魂徒結分香恨月冷荒臺覓燕叙

碧曉精舍

在城西高曉山

明楊慎碧曉精舍記

滇海西斥舍舟登陸俗曰高橋稽之古志橋實曰曉以山形似秦曉關受此稱爾高曉與碧鷄相望如箭括毛沂東鎮氏有別廬在
其下精舍之類錄者定曰碧曉他日有客慙獻疑於楊子曰茲曉也沂知之沂就之如俗不知何易諸已諸楊子曰無易仍爾也君

子期人以辭不以俗待人以博不以陋昔者孔子之作春秋也經書善稻吳名則伊緩也經書大原狄名則大猷也經書紛泉秋名
則矢猶也義聚子曰號從中國名從主人范甯曰物類地形當從中國至於人名則從本俗楊子讀而餘之曰大猷孔子辨物正名

奧哉穀梁啓蘊發隱號從中國故去大猷伊緩矢胎而從大原善稻紛泉也名從主人故介葛盧戎蔓子皆不易矣慎往年執簡史
局網書藏室見洪武中有請以春秋兩漢地名驛詔既從其請史復書其事皇祖之謨春秋大復古之意也慎自執戟於滇每慨物

類與地形失之陋俗若嶠嶠而為祿康呂閣而為呂合金浪巔之為丁當丁澗滄江之為浪滄江也不止曉之為橋耳方言既謂郡
志隱謬豈君子雅俗而博陋之心必盛世一統而同文之義乎東鎮於春秋專門其事而又以世族閱閱子明習當世茲名也固雅

俗博陋之濫觴辨物正名之卷石與因注而誌之若夫
臨眺眺聽之美蒼蔚清冷之興卷中能賦者則備矣

蓮花精舍

在城北報恩寺內清康熙三十年總督范承勳建

佛海精舍

在城東歸化寺內清康熙三十四年總督王繼文建

停舟烟舍 在官渡村明楊慎遊憩之所每夏秋間登此以望高嶠

野水寒烟空濛沒蕩時見梵宇林臯在縹緲之際今遺址尙存清一統志

聚遠樓 在城內五華山寺中日本僧曇演建以一覽滇南之景而

名都督沐晟重修樓北有泰然堂堂後有真意亭爲滇人遊燕之

所清一統志

和州潘仁聚遠樓

樓前風景似中華樓外峯巒際海涯遠近屯營諸部落高低花柳萬人家斷雲影接玄猿樹積水光連白鳥沙欲挽銀河兵甲洗相期穩泛月邊槎

南樓 在城南門內明西平侯沐英駐節於此題曰南樓望遠清一統志

案景泰志南樓前黔寧王所建也重屋三層落成於洪武十九年題曰南樓望遠即今崇正門之城樓也劉有年作記

縹緲飛樓 在城西太華山麓明黔國公建清一統志

鳳翥樓 在空谷亭後巡撫劉勰建明通志

聚奎樓 在府學內巡撫侍郎都御史鄒應龍重修

明通志

遙琴樓 在城北門內一曰眺京樓

府志

來爽樓 在城內菜海子北

雲南府志

魚樓 在城北龍泉觀前清康熙二十九年按察使許宏勲題額曰

秋水爲神即明末義士薛大觀闔家死節處

雲南府志

道光十二年總督

阮元重修

道光志

迎恩樓 在城東重關清康熙三十三年總督王繼文重建儲蓄風

脈局固門戶通衢扼要也

雲南府志

彩雲樓 在城東南隅清康熙三十四年總督王繼文巡撫石文晟

倡同八營副參遊守公建閣凡三層上奉昊天上帝中奉漢昭烈

帝關壯繆公張桓侯下奉諸葛武侯高峻宏敞維係風脈爲水口